

雲雷音又復化現種種大雲徧覆於此三千大千世界及象頭山兩衆香水皆悉充滿是中有情亦不燒惱如是施作而伸供養復有無數百千龍女於世尊前出歌詠聲而伸供養復有無數百千軋闍婆衆緊那羅衆右遶於此三千大千世界及象頭山出美妙聲歌詠供養

佛說除蓋障菩薩所問經卷第十九

佛說除蓋障菩薩所問經卷第二十

西天譯經三藏聖教契經佛說除蓋障菩薩所問經卷第二十法護等奉詔譯

尔時復有無數百千夜叉之衆雨諸蓮華而伸供養又復吹擊和風觸者安樂復有無數諸佛刹中彼彼如來爲供養世尊釋迦牟尼佛及正法故各從眉間放大光明其光具有青黃赤白紅頰臍迦及翡翠等種種之色及種種相種種光明右繞於此三千大千世界

普徧照耀而悉除破一切暗冥光復旋還繞象頭山後從世尊頂門而入復有無數百千婆羅門刹帝利士庶人民各持香花塗香末香衆妙花鬘衣服幢幡及諸寶蓋置於佛前以伸供養

當佛宣說如是正法及諸天龍神獻供養時有七十二那庾多菩薩得無生法忍無數百千俱胝那庾多有情遠塵離垢得法眼淨無數百千俱胝那庾多有情先未曾發菩提心者皆發無上大菩提心

尔時有一天女名曰長壽久住於此象頭山中與自眷屬光在佛會即從座起爲供養佛故往自宮中取諸供養還來詣佛到佛所已尊重恭敬專諦一心獻諸供養如是至誠作供養已前白佛言世尊我知過去久生中有十萬二千諸佛如來悉曾於此象頭山中說此正法亦如是義亦如是理亦如是文佛言長壽天女汝快得善利值遇如是法寶出

漢五

世一一親聞

尔時會中有諸天子咸作是念今此天女久已曾聞如是正法復曾親近多佛如來何故不能轉此女身時除蓋障菩薩知諸天子心所念已白佛言世尊何因何緣此長壽天女具大威德久已曾聞如是正法復曾親近多

佛如來何故不轉此女人身佛言善男子不轉女身者廣為利樂一切有情大因緣故所以者何善男子今此天女已住不可思議解脫菩薩之位我知此長壽天女曾於超過算數諸如來所勸請發菩提心乃至入大涅槃以是緣故而此天女獲是廣大神通威德善男子此長壽天女即於賢劫中供養諸佛已此佛剎中當得成佛號曰長壽如來應供正等正覺

尔時世尊復告長壽天女言女今應現自佛國土莊嚴之事時長壽天女即入現一切色相三摩地於是三摩地中現此三千大千世

界地平如掌除去黑山土石山等及餘一切本有樹木清淨可愛琉璃所成處處皆有妙劫波樹處處皆有清淨嚴好泉源池沼八功德水充滿其中除去一切凡常人類亦復不聞女人之聲處處皆現廣大蓮花其一一花量如車輪諸蓮花中有菩薩像加趺而坐復

溪五

七

現世尊長壽如來應供正等正覺與諸菩薩共會說法有無數百千俱胝那庾多帝釋梵王護世天等之所圍繞又有無數百千俱胝那庾多菩薩之眾圍繞聽法所謂亦說如是法門

尔時長壽天女如是現已即從三摩地起於世尊前右繞三匝隱而不現

尔時除蓋障菩薩前白佛言世尊若有善男子善女人於此正法聽聞受持讀誦記念解釋其義復為他人廣大說者是人得幾所福佛言善男子正使三千大千世界滿中有情悉行布施經無量時相續不斷若有善男子

善女人於此正法發清淨心如法書寫復善  
詳校又以淨心轉施於他是人所獲福德倍  
勝於前何以故善男子夫財施者不出生死  
而法施者最上最勝所以者何一切有情在  
生死中貪受種種財利事故不能受彼最上  
法味出於世間又善男子正使有人以此三  
千大千世界滿中有情悉令安住十善業道  
若復有人於此正法聽聞受持讀誦記念解  
釋其義復為他人廣大說者是人所獲福德  
倍勝於前何以故善男子十善業道從是正  
法所出生故又善男子正使三千大千世界  
滿中有青悉令證得須陀洹果斯陀舍果阿  
那舍果阿羅漢果若復有人於此正法聽聞  
受持讀誦記念解釋其義復為他人廣大說  
者是人所獲福德倍勝於前何以故善男子  
當知一切聲聞緣覺皆悉從是法性中來諸  
菩薩者亦悉從是法性中來如來亦得是法  
性故出現世間又善男子若人能於如是正

法受持讀誦解其義者是人即同於諸經中  
受持讀誦解釋義趣何以故此法性者是諸  
法母善男子而諸菩薩若不得此正法性者  
即不能得廣大法性  
尔時會中諸大聲聞各從座起偏袒右肩右  
膝著地俱白佛言世尊我等獲得此法性已  
而能普盡廣大生死耶佛言諸苾芻如是如  
是  
尔時世尊普告在會諸大眾言善男子若諸  
地方有能宣說如是正法之處而彼地方當  
知即是大善提場即是轉法輪處即是大靈  
塔處當起是念是我大師所遊止處何以故  
善男子法性即是善提即是轉法輪法輪即  
是如來善男子若供養法者是即供養諸佛  
如來若諸地方有說法師所遊止處當於彼  
地起靈塔想於說法師起大師想又復當起  
善知識想又應當起善導師想由如是故若  
時見彼說法師已當起淨信歡喜之心尊重

恭敬承迎於前稱揚讚嘆白言善哉復次善男子我若讚說尊重恭敬法師功德及說報其法師大恩如是等事若經一劫若過一劫我亦不能說其少分善男子若有愛樂法者諸善男子及善女人於說法師所履道中以自身血散灑其地亦不能報彼說法師少分恩德何以故說法師者以能任持如來法眼極難行故善男子是故諸說法師當說如是正法之時應現無畏不應沉下生障礙心著新淨衣起清淨心當說法時若人讚嘆不起高心不現我相不生慢執不自稱譽不凌毀佗亦復不生染著之心應當恭敬尊重說法亦時帝釋天主前白佛言世尊若諸他方有說如是正法之處我當率諸宮屬往詣彼所聽受如是甚深正法及為護助彼說法師佛言善哉善哉憍尸迦汝善守護如來正法如汝所作今正是時

亦時除蓋障菩薩白佛言世尊此經何名我

等云何奉持佛言善男子是經名曰除蓋障菩薩所問亦名寶雲亦名寶積功德亦名智燈如是名字汝當受持

佛說此經已除蓋障菩薩等彼諸菩薩摩訶薩衆并在會菩薩聲聞之衆帝釋梵王護世諸天大自在天子等無數百千諸天子衆及餘無數百千天龍夜叉乾闥婆阿修羅迦樓羅緊那羅摩睺羅伽人非人等一切大衆聞佛所說歡喜信受

九末

溪五

佛說除蓋障菩薩所問經卷第二十